

**Resić dr Emina, redovni profesor**  
**Ekonomski fakultet Univerziteta u Sarajevu**

**Arnaut-Berilo dr Almira, vanredni profesor**  
**Ekonomski fakultet Univerziteta u Sarajevu**

**Delalić dr Adela, docent**  
**Ekonomski fakultet Univerziteta u Sarajevu**

**Sarajevo, 13. 06. 2018. godine**

### **VIJEĆU EKONOMSKOG FAKULTETA UNIVERZITETA U SARAJEVU**

U vezi sa članom 28. i 34. Okvirnog zakona o visokom obrazovanju („Službeni glasnik BiH“, broj: 59/07 i 59/09), a u skladu sa članom 103. Zakona o visokom obrazovanju („Službene novine Kantona Sarajevo“, broj: 33/17), članom 29. i 31. Zakona o naučnoistraživačkoj djelatnosti („Službene novine Kantona Sarajevo“, broj: 26/16), te u skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18, zaključenim 04. 05. 2018. godine između Službe za zapošljavanje Kantona Sarajevo i Univerziteta u Sarajevu i na osnovu Odluke Senata Univerziteta u Sarajevu broj: 01-512/18 od 11. 05. 2018. godine, Univerzitet u Sarajevu raspisao je Konkurs za izbor 150 asistenata i stručnih saradnika na Univerzitetu u Sarajevu. Konkurs je objavljen u dnevnom listu “Dnevni avaz”, web-stranici Univerziteta u Sarajevu i web-stranici Ekonomskog fakulteta Univerziteta u Sarajevu dana 12. maja 2018. godine, sa ispravkom objavljenom 17. maja 2018. godine.

Na osnovu člana 106. Zakona o visokom obrazovanju (“Službene novine Kantona Sarajevo”, broj: 33/17), člana 152. Statuta Univerziteta u Sarajevu, Odluke Senata Univerziteta u Sarajevu 01-512/18 od 11. 5. 2018. godine i Odluke Vijeća Ekonomskog fakulteta Univerziteta u Sarajevu od 10. 5. 2018. godine, Vijeće Ekonomskog fakulteta Univerziteta u Sarajevu donijelo je rješenje broj 02-3198/2018 o imenovanju Komisije za pripremu prijedloga za izbor i Izvještaja o izboru

dva saradnika u zvanju asistent na oblast Kvantitativna ekonomija, puno radno vrijeme, u sastavu:

1. Dr. Emina Resić, redovni profesor Ekonomskog fakulteta Univerziteta u Sarajevu, predsjednik
2. Dr. Almira Arnaut-Berilo, vanredni profesor Ekonomskog fakulteta Univerziteta u Sarajevu, član
3. Dr. Adela Delalić, docent Ekonomskog fakulteta Univerziteta u Sarajevu, član

Na konkurs su se prijavila dva kandidata: **Emin Bešo, MA i Mirza Šikalo, MA**. Na osnovu člana 107. Zakona o visokom obrazovanju ("Službene novine Kantona Sarajevo", broj: 33/17), Rukovodilac Službe za pravne i personalne poslove donio je Potvrdu broj 07-6-2891/18 od 30. 05. 2018. godine koja predstavlja sastavni dio Izvještaja komisije za izbor u zvanja. Prema Potvrdi broj 07-6-2891/18 od 30. 05. 2018. godine:

- Prijava sa priložima Emina Bešo, MA na Konkurs objavljen dana 12. 05. 2018. godine u dnevnoj štampi „Dnevni avaz“ i web stranicama Univerziteta u Sarajevu i Ekonomskog fakulteta Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 2 saradnika u zvanju asistent, puno radno vrijeme, je blagovremena, ali nije uredna i nije usklađena sa uslovima utvrđenim Konkursom od 12. 05. 2018. godine iz razloga što imenovani nije dostavio dokaz o završenom ciklusu studija koji se vrednuje sa najmanje 300 ECTS bodova iz oblasti ekonomskih nauka odnosno završio je ciklus studija koji se vrednuje sa najmanje 300 ECTS bodova iz oblasti matematičkih nauka, a što je obavezan uslov, dokument i dokaz iz Konkursa.
- Prijava sa priložima Mirze Šikalo, MA na Konkurs objavljen dana 12. 05. 2018. godine u dnevnoj štampi „Dnevni avaz“ i web stranicama Univerziteta u Sarajevu i Ekonomskog fakulteta Univerziteta u Sarajevu, za izbor akademskog osoblja u naučnonastavno zvanje, oblast Kvantitativna ekonomija, 2 saradnika u zvanju asistent, puno radno vrijeme, je blagovremena, uredna i usklađena sa uslovima utvrđenim Konkursom od 12. 05. 2018. godine.

Prema prethodno navedenom Komisija za pripremu za izbor i Izvještaja o izboru je detaljno pregledala samo prijavu kandidata Mirze Šikalo, MA, dok prijava kandidata Emina Bešo, MA

zbog neusklađenosti sa uslovima utvrđenim Konkursom od 12. 05. 2018. godine nije razmatrana.

Nakon detaljnog pregleda prijave kandidata Mirze Šikalo, MA i priloga uz prijavu kandidata, primljenih uz potvrdu od Službe za pravne i personalne poslove broj: 07-6-2891/18 od 30. 05. 2018. godine, konstatovano da je kandidat predao prijavu i sve potrebne priloge u skladu sa sadržajem Konkursa i Zakonom o visokom obrazovanju Kantona Sarajevo („Službene novine Kantona Sarajevo“, broj 33/17).

Komisija je izvršila pregled prijave, dokumentacije i objavljenih radova, te na osnovu izvršenog uvida u profesionalne i pedagoške aktivnosti kandidata Mirze Šikalo, MA, podnosi Vijeću Ekonomskog fakulteta Univerziteta u Sarajevu slijedeći:

## **IZVJEŠTAJ**

### **1. Biografija**

Kandidat Mirza Šikalo, MA, je rođen 7. 9. 1992. godine u Sarajevu. Pohađao je osnovnu školu “Pofalići”. 2011. godine je završio Srednju ekonomsku školu u Sarajevu i stekao zvanje “ekonomski tehničar”. Prvi ciklus na Ekonomskom fakultetu u Sarajevu, smjer Računovodstvo i revizija (180 ECTS bodova) završio je u julu 2014. godine. sa prosječnom ocjenom 9,34. Drugi ciklus na Ekonomskom fakultetu u Sarajevu, smjer Finansijski menadžment (120 ECTS bodova) završio je u septembru 2016. godine sa temom završnog rada “Modeli teorije odlučivanja u izboru optimalnog portfolija – primjena na evropskom tržištu kapitala”, sa prosječnom ocjenom 9,69.

Kandidat govori engleski jezik (posjeduje Certificate of completion business English language course – specific programme business English general – level C1 (ALTE level 4), University of Sarajevo, School of Economics and Business, Business Academy, 2015.). Kandidat koristi i njemački jezik.

Kandidat posjeduje izražene digitalne vještine, vještine rada na računaru i u MS Office-u, te navodi iskustvo u radu u programima SPSS i Xlstat. Kandidat u biografiji navodi i poznavanje rada u računovodstvenom programu Pantheon.

U periodu 2017-2018. godina kandidat Mirza Šikalo, MA, je imao stručno usavršavanje u okviru Službe za zajedničke poslove, Općine Novo Sarajevo i bio je angažovan na različitim poslovima: provođenje postupka javnih nabavki, izrada tenderske dokumentacije, izrada ugovora i proces realizacije ugovora.

Kandidat Mirza Šikalo, MA, je u okviru priložene dokumentacije dostavio Uvjerenje o evidenciji Službe za zapošljavanje Kantona Sarajevo od 15. 05. 2018. godine, prema kojem je od 21. 10. 2016. godine prijavljen na evidenciji Biroa kao nezaposlena osoba.

## **2. Nagrade i priznanja**

U toku svog školovanja kandidat Mirza Šikalo, MA, je dobio niz nagrada i priznanja:

- Dobitnik jednokratne stipendije Federalnog ministarstva obrazovanja i nauke kao najbolji student Ekonomskog fakulteta Univerziteta u Sarajevu, 2016.
- Dobitnik posebnog priznanja „Srebrna značka Univerziteta u Sarajevu“ za I i II ciklus studija, Univerzitet u Sarajevu, 2016.
- Dobitnik posebnog priznanja „Srebrna značka Univerziteta u Sarajevu“ za I ciklus studija, Univerzitet u Sarajevu, 2014.
- Priznanje za postignute izvanredne rezultate u školskoj 2012/2013. godini, Ekonomski fakultet u Sarajevu
- Priznanje za postignute izvanredne rezultate u školskoj 2011/2012. godini, Ekonomski fakultet u Sarajevu
- Pohvala Nastavničkog vijeća Srednje ekonomske škole Sarajevo za izuzetan uspjeh tokom školovanja u periodu 2007-2011. godine
- “Ponos generacije“ školske 2006/2007. godine, Osnovna škola „Pofalići”

### 3. Naučno-istraživački rad

Kandidat Mirza Šikalo, MA, je koautor tri naučna rada u časopisima i na konferencijama:

- Arnaut-Berilo Almira, Zaimović Azra, Šikalo Mirza (2017): Efficiency of the Minimax portfolio on the European capital market – Can we beat the market?, *Journal of Business, Economics and Finance (JBEF)*, 6 (2), pp. 78-87.
- Arnaut-Berilo Almira, Zaimović Azra, Šikalo Mirza (2017): Efficiency of the Minimax portfolio on the European capital market – Can we beat the market?, *Istanbul University 2nd World Conference on Technology, Innovation and Entrepreneurship*, maj 2017., Istanbul
- Arnaut-Berilo Almira, Zaimović Azra, Šikalo Mirza (2014): The application of game theory to portfolio selection – Comparative analysis and applications on the Frankfurt Stock Exchange, *7th International Conference of the School of Economics and Business in Sarajevo*, oktobar 2014., Sarajevo.

### 4. Pedagoške i nastavničke sposobnosti

Kandidat Mirza Šikalo, MA, je u toku studija više puta angažovan kao demonstrator na predmetima sa Katedre za kvantitativnu ekonomiju Ekonomskog fakulteta Univerziteta u Sarajevu:

- 2014-2016., demonstrator na predmetu Statistika u ekonomiji i menadžmentu,
- 2013-2016., demonstrator na predmetu Matematika za ekonomiste.

U svojoj biografiji kandidat navodi da je održao i gostujuće predavanje „*Minimax portfolio selection – practice*“ u okviru predmeta „Portfolio management“, smjer Financial Management, I ciklus studija, Ekonomski fakultet u Sarajevu, novembar 2016. godine.

## MIŠLJENJE I PRIJEDLOG KOMISIJE

Kandidat Mirza Šikalo, MA, ispunjava uslove za izbor saradnika u zvanju asistent na oblast Kvantitativna ekonomija, puno radno vrijeme. Kandidat je završio prvi i drugi ciklus studija na Ekonomskom fakultetu Univerziteta u Sarajevu sa prosječnim ocjenama: 9,34 na prvom ciklusu i

9,69 na drugom ciklusu studija, i time ostvario 300 ECTS bodova. Dobitnik je priznanja Univerziteta u Sarajevu (Srebrene značke za oba ciklusa studija). U toku angažmana kao demonstrator na predmetima sa Katedre za kvantitativnu ekonomiju kandidat Mirza Šikalo, MA, se pokazao kao vrlo odgovoran i profesionalan kandidat. Kandidat Mirza Šikalo, MA, je koautor tri naučna rada u časopisima i na konferencijama.

Na osnovu svih relevantnih činjenica iznesenih u ovom Izvještaju, Komisija konstatuje i jedinstvena je u mišljenju da kandidat Mirza Šikalo, MA ispunjava sve uslove predviđene Zakonom o visokom obrazovanju Kantona Sarajevo, Pravilima Univerziteta u Sarajevu i Pravilima Ekonomskog fakulteta Univerziteta u Sarajevu za izbor u zvanje asistent na oblast Kvantitativna ekonomija, puno radno vrijeme.

Shodno navedenom, Komisija jednoglasno predlaže Vijeću Ekonomskog fakulteta Univerziteta u Sarajevu i Senatu Univerziteta u Sarajevu da

**Mirzu Šikalo, MA**

**izabere u zvanje asistent na oblast Kvantitativna ekonomija, puno radno vrijeme.**

Sarajevo, 13. 06. 2018. godine

Komisija:

Prof. dr Emina Resić

---

Prof. dr Almira Arnaut-Berilo

---

Doc. dr Adela Delalić

---